

庾開府全集

冊四

庾子山集卷之十四

錢唐倪璠魯玉註釋

碑

周柱國大將軍紇干弘神道碑

公諱弘字廣略原州長城縣人也本姓田氏

周書列傳曰田弘字廣略高平人也

虞賓在位基於揖讓之風鳳凰于飛紹於親賢之

國

序田氏之先也田氏本虞舜之後出自嬀姓春秋時陳公子完奔齊始食田采以陳氏爲田氏謂之陳山後周宇文起於荒服賜族皆變夏姓田弘爲紇干氏其一也尙書曰虞賓在位羣后德讓揖讓

謂舜受禪也左氏傳曰初懿氏卜妻敬仲其妻占之曰吉是謂鳳凰于飛其鳴鏘鏘有嬀之後將育於姜親賢之國謂齊也漢書地理志曰昔太公始封周公問何以治齊太公曰舉賢而上功周公曰後世必有

篡殺之臣其後二十九世爲彊臣田和所滅而和自立爲齊侯初和之先陳公子完有罪來奔齊桓公以爲大夫更稱田氏九世至和而篡齊至孫威王稱王五世爲秦所滅

論其繼

世之功則狄城有廟序其移家之始則長陵有碑

漢書曰田

儋狄人也故齊王田氏之族儋從弟榮榮弟橫皆豪傑宗彊能得人陳涉使周市略地北至狄狄城守儋擊殺狄令而召豪子弟曰諸侯皆反秦自立齊古之建國儋田氏當王遂自立爲齊王發兵擊周市略定

齊地師古曰狄縣名也地理志屬千乘三輔黃圖曰漢高祖都長安徙諸齊田於長陵潛夫論曰漢高祖徙諸齊田而有第一至第八氏後漢第五倫其後也

况復高廟上

書小車而對漢主聊城祭鳥長岳而驅燕將

疑作長驅而却燕將漢書曰田

千秋年老上優之朝見得乘小車入宮殿中故因號曰車丞相史記曰燕軍攻安平盡降齊城惟獨莒即墨不下燕惠王使騎劫代樂毅歸趙燕人士卒忿而田單乃令城中人食必祭其先祖於庭飛鳥悉翔舞城中下食燕人怪之田單因宣言曰神來教我卒破燕軍殺其將騎劫而齊七十餘城皆復又魯仲連傳曰田單攻之不下魯仲連乃為書遺燕將燕將自殺聊城亂田單遂屠聊城公以

胎教之月歲德在寅載誕之辰星精出昴

列女傳曰太任文王之母摯任氏中女也

王季娶為妃有娠目不視惡色耳不聽淫聲口不出敖言能以胎教洩於豕牢而生文王爾雅曰歲在寅曰攝提離騷曰攝提貞於孟陬令惟庚寅吾以降春秋佐助期曰漢相蕭何昴星精是以

月中生樹童子知言水上浮瓜青衿不戲

世說曰徐孺子年九歲嘗月下戲人語之

曰若令月中無物當極明耶徐曰不然譬如人眼中有瞳子無此必不明浮瓜未詳會稽典錄曹娥投瓜于江存其父尸異苑稱魏武見石旁八字不能了彌衡離合解之疑是事而受書

黃石意在王者之圖

一作師

揮劍白猿心存霸國之用

荀悅漢紀

曰張良遊於圯上有父老直墮其履顧謂良曰孺子下取履良取履跪而進之父老曰孺子可教矣後三期而良先至父老遺書一編曰讀此即為王者師後十三年見我於齊北穀城山下黃石即我已遂去不復見其書乃太公兵法也吳越春秋曰袁公與越女試劍竹枝上袁公即飛上樹變為白猿遂別去見越王王即加女號曰越女乃命五板之隊長高習之教軍士當世莫能勝越女之劍本傳云少慷慨志立功名齊力過人敢魏永安中任子都督翻原州城受隴西王節

度於時洛邑亂離當塗危逼禮樂征伐不出於天子

舉賢誅暴實在於彊臣

永安魏莊帝年號也子都督後魏官名隴西王爾朱天光也疆臣謂爾朱氏也魏本紀云明帝崩爾朱榮謀廢立以

長樂王子攸爲帝榮以兵權在己遂有異志乃害靈太后及幼主次害無上王邵等尋追諡無上王爲皇帝餘死者皆有贈子孫聽立後授封爵爾朱榮率騎七千討葛榮於盛口破禽之以葛榮平大赦改元爲

永安是其事也洛邑魏所都也當塗謂魏也圖識曰代漢者當塗高拓拔氏國號後魏故云當塗危逼

太祖文皇帝始創霸功初

勤王室秣馬蒐乘誓衆太原公仗劒轅門龕謀當世

周書本傳云魏永安中陷於万俟魏奴爾朱天光入關弘自原州歸順授都督及太祖初統衆弘求謁見乃論世事深被引納卽處以爪牙之任左氏傳曰求諸侯莫如勤王又令狐之役云訓卒利兵秣馬暮食

又苗賁皇曰蒐乘補卒杜注云蒐閱也周禮曰設宮車轅門前漢紀曰樊噲杖劒衝門而入立於帳下隨何遠至實釋漢帝之憂

許攸夜來遂定曹王之業

漢書曰漢王與楚大戰彭城不利出梁地至虞謂謁者隨何曰公能說九江王布使舉兵畔楚項王必留

擊之吾取天下必矣隨何往說布果使叛楚布與隨何間行歸漢魏略曰許攸字子遜少與袁紹及太祖善初平中隨紹在冀州嘗在坐席言議官度之役諫紹弗與太祖相攻紹自以彊盛必欲極其兵勢攸知

不可爲謀遂亡詣太祖言弘去爾朱而就周文猶隨何之說布畔楚許攸之去袁卽曹也

永熙中初

一作奉

迎魏武帝入關

紀云武帝永熙三年七月帝親總六軍十餘萬次河橋高歡引軍東渡宇文泰迎帝於東陽入長安以雍州公廡爲宮是爲西魏

封鶉陰縣開國子

邑五百戶

本傳又以迎魏孝武功封鶉陰縣魏屬平涼郡

太祖以自著鐵甲賜公云天

下若定還將此甲示寡人

本傳稱孤餘同

白水良劒罷朝而贈

陳寵青驪善馬迴軍而賜李忠並經輿服足爲連類

後漢書曰陳寵字昭公沛國浚人也久留臺閣賞賜有殊又韓稜傳曰稜爲尚書令與僕射鄧禹尚書陳寵同時俱以才能稱肅宗嘗賜都尚書劍惟此三人特以寶劍自署其名曰韓稜楚龍淵鄧禹蜀漢文陳寵濟南椎成時論著爲之說以稜淵深有謀故得龍淵壽明達有文章故得漢文龍淵樸善不見外故得椎成椎直追反謝承書漢官儀作鍛成袁宏後漢光武紀曰蔡陽白水鄉爲春陵侯封邑范蔚宗書亦云貨泉字文爲白水真人按白水本光武受命之地故明帝賜劍云白水良劍矣後漢書曰李忠字仲都東萊黃人也世祖以爲右大將軍封武固侯時世祖自解所佩綬以帶忠因從改下屬縣至苦陘世祖會諸將問所得財物惟忠獨無所掠世祖曰我欲特賜李忠諸卿得無望乎卽以所乘大驪馬及繡被衣物賜之言弘之得蒙賜甲也如古贈劍賜馬矣大統三年轉帥

都督進爵爲公十四年授使持節都督原州諸軍事

原州刺史仙人重返更入桂陽之城龍種復歸還尋

白沙之路公此衣錦鄉里榮之

本傳以弘勳望兼至故以衣錦榮之隋書地理志曰雍州平涼郡舊置原州後周置

總管府按弘本原州長城縣人今爲原州刺史是其鄉里也神仙傳曰蘇仙公者桂陽人也鄉中以仁孝聞天西北隅紫雲氤氳有數十白鶴飛翔其中降於蘇氏之門皆化爲少年怡然輕舉先生歛容逢迎乃

跪白母曰某受命當仙被召有期儀衛已至當違已養卽便拜辭昇雲漢而去母年百餘歲無疾而終葬後忽見州東北牛脾山紫雲蓋上有號哭之聲咸知蘇君之神也郡守鄉人苦請相見乃出半面示一手

皆有細毛異常人也三年之後無復哭聲自後有白鶴來止郡城東北樓上人或挾彈彈之鶴以爪攫樓板似漆書云城廓似人民非三百甲子一來歸吾是蘇君彈何爲至今修道之人每至甲子日焚香禮於

仙公之故第也襄陽記曰龐德公子奐字世文晉太康中爲荊州太守去官歸鄉居白沙里鄉人宗敬之相語曰吾家池中龍種來水經注曰襄城東有東白沙白沙北有三洲言弘本原州人還爲原州刺史衣

錦之榮如蘇君之復返桂陽龐奧之還歸襄水也

侍從太祖戰河橋復弘農解華山

本傳作洛陽

圍平沙苑陣

事在魏大統三年隋書地理志馮翊郡有沙苑按沙苑一名沙阜在同州馮翊縣南十二里東西八十里南北三十里周太祖與高歡戰於沙苑大破之栽一

樹以表其功其樹往往猶存見郡邑志

必有元勳常蒙別賞太祖在同州

周本紀云魏廢帝三年改華州

為同州

文武並集號令云人人如紇干弘盡心天下豈不

早定即授車騎大將軍儀同三司

本傳已上俱同

前魏元年

本傳魏廢

帝元年

轉驃騎大將軍開府祈連猶遠即受冠軍之侯沙

幕未開元置長平之府

漢書曰霍去病封冠軍侯三歲元狩三年春為驃騎將軍去病出北地至祁連山捕首虜甚多是去病未至祁連時

已封冠軍侯也師古曰祁連山即天山也匈奴呼天為祁連武帝紀曰元朔六年衛青復將六將軍絕幕大克獲應劭曰幕沙幕匈奴之南界也臣瓚曰沙土曰幕直度曰絕師古曰幕者即今突厥中磧耳李陵

歌曰徑萬里兮度沙幕按年表衛青以元朔二年擊匈奴取朔方封長平侯是沙幕未開之時也

梁信州刺史蕭韶寧州刺

史譙淹等猶處永安稱兵漁陽公受命中軍迅流下

瀨遂得朝發白帝暮宿江陵猿嘯不驚雞鳴即定

本傳云平

蜀之後梁信州刺史蕭韶等各據所部未從朝化詔弘討平之漢書曰下瀨將軍下蒼梧後漢書曰公孫述改魚復為白帝城又郡國志曰南郡巫西有白帝城江陵南郡治也時為梁元帝所都猿嘯即荊州記

所謂巴東三峽巫峽長猿鳴三聲淚沾裳是也注別見左氏傳曰雞鳴而駕塞井夷竈惟余馬首是瞻

西平反羌本有漁陽之勇

鳳州叛氏又習仇池之氣

本傳云又討西平叛羌及鳳州叛氏等並破之地理志曰漁陽郡秦置屬幽州華陽國志曰阿池一名仇

池地方百頃隋書地理志曰梁州河池郡後魏置南岐州後周改曰鳳州周書異域傳曰宕昌羌者其先蓋三苗之胤其界自仇池以西

公推鋒直上白刃

交前萬死一決克徒多潰身被一百餘箭傷肉破骨

者九創

本傳弘每臨陣摧鋒直前身被一百餘箭破骨者九

馬被十槩露布申上朝廷壯焉

本傳馬被十稍朝廷壯之信州蠻反又詔弘與賀若敦等平之

葛屨糾糾魏有去舊之歌零露瀼瀼

周受維新之命

謂魏廢帝禪位周閔帝踐阼也詩魏風云糾糾葛屨可以履霜詩序曰葛屨刺褊也魏地狹隘其民機巧趨利其君儉嗇褊急而無德以將之言魏

祚既衰取古魏風以爲比小雅蓼蕭云蓼彼蕭斯零露瀼瀼大雅文王篇曰周雖舊邦其命維新言宇文氏受命如古周德矣

乃進爵封雁門郡公

本傳孝閔踐阼進爵雁門郡公

食邑通前二千七百戶保定元年授使持節

都督岷州諸軍事岷州刺史隴頭流水延望秦關川

上峨眉猶通蜀道

隋書地理志梁州臨洮郡臨洮縣西魏置岷州辛氏三秦記曰隴右西關欲上者七日乃越上有幾水四注流下俗歌曰隴頭流水鳴聲

幽噎遙望秦川肝腸斷絕杜預益州記曰平鄉江東逕峨眉山在南安縣界去成都南十里秋曰清澄望見兩山相峙如峨眉焉

公不發私書不然

官燭獸則相負渡江蟲則相銜出境

本傳保定元年出為岷州刺史弘雖武將而動遵法式百姓頗

安之世說曰王經為江夏太守不發私書謝承後漢書曰已桓為揚州刺史夜與上對坐瞑暗之中不然官燭後漢書曰宋均字叔平南陽人遷九江太守郡多虎常設檻穽均到下記屬縣可去一檻穽其後傳

言虎東渡江楚沛多蝗其飛至九江東界者輒散去四年拜大將軍餘官如故

本傳云三年從隋公楊忠伐齊拜大將軍明年又從

楊忠東伐師還乃旋所鎮衛青受詔未入玉門之關竇憲當官猶在燕

山之下公之此受差無慙德

漢書曰衛青拜大將軍又西域傳曰隗以玉門陽關敦煌郡龍勒有玉門關後漢書曰竇憲與

北單于戰於稽落山大破之遂登燕然山刻石紀功渾王叛換梗我西疆宕羌首竄藩籬攜

貳公受賑於社偏師遠襲

本傳云吐谷渾寇西邊宕昌羌潛相應詔弘討之按渾王吐谷渾也漢書注曰叛換猶跋扈也宕羌宕昌

羌也周書異域傳云吐谷渾本遼東鮮卑慕容廆之庶兄也率其部落止於枹罕自為君長及孫葉延頗視書傳以古有王父字為氏遂以吐谷渾為氏焉又宕昌羌傳云保定四年彌定又引吐谷渾寇石門成

高祖怒詔大將軍田弘討滅之以其地為宕州揚旌龍涸繫馬甘松

周書吐谷渾傳云天和初其龍涸王莫昌率眾降以其地為扶州隋書地理志

曰同昌郡嘉城縣後周置縣并龍涸郡及扶州總管府又曰宕昌郡懷道縣後周置甘松郡水經注益州記曰自白馬嶺回行二千里至龍涸唐書曰松州交州郡屬劍南道取界內甘松嶺為名

二

十五王靡旗亂轍七十六柵鶉奔雉竄

本傳云獲其二十五王拔其七十六柵遂破平之左

傳曹劌曰吾視其轍亂望其旗靡詩云鶉之奔奔言弘破吐谷渾如逐獵也

既蒙用命之賞乃奉旋師之樂

天和二年被使南征

謂與陳人戰也

帶甲百萬軸轡千里江源

水起海若乘流

漢書曰武帝自潯陽浮江而下軸轡千里注云軸後施柁處轡前頭刺櫂處也按軸轡本从舟字或从車莊子北海若曰天下之水莫大於海

船官之城登巢懸嬰吳兵習流長驅戰艦風灰箭火

倏忽凌城

船官之城謂湘水也水經注曰湘水又逕船官西湘舟商舟之所次也又曰荊州故楚也子革曰我先君僻處荊山以供王事遂遷紀鄢今城楚船官地也春秋之渚宮

左氏傳曰晉楚戰於鄢陵楚子登巢車以望晉軍杜預曰曩炊也吳越春秋曰乃發習流二千釋名曰土下重牀曰艦四方施板以禦矢石其內如牢檻楚辭曰往來倏忽

公以白

羽麾軍朱絲度水七十餘日始得解衣

天和至解衣本傳云天和二年陳湘州刺史華皎來

附弘從衛公直赴援與陳人戰不利乃以弘爲江陵總管及陳將吳明徹來寇弘與梁主蕭歸退保紀南令副總管高琳拒守明徹退乃還江陵

不矢色武王命太公把白旂以麾之紂軍反走呂氏春秋作白羽左氏傳曰晉侯伐齊將濟河獻子以朱絲繫玉二轂而禱沉玉而濟

朝廷以晉剋夏陽

先通滅虢之政秦開武遂始問吞韓之謀

左傳僖二年曰晉師會虞師伐虢滅夏陽

五年晉滅虢史記曰秦武王四年救宜陽斬首六萬涉河城武遂徐廣曰韓邑也

是以馳傳追公以爲仁壽城主

本傳云尋以弘爲仁壽城主以逼宜陽

齊將段孝先斛律明月出軍定隴以爲宜

陽之援公背洛水而面熊山陳中軍而疏行首乘機

一戰宜陽銜壁

本傳云齊將段孝先斛律明月出軍定隴以爲宜陽援弘與陳公純破之遂拔宜陽等九城北齊書曰段韶字孝先姑臧武威人斛律光字明月朔

州敕勒部人也後漢書曰赤眉敗上所得積兵甲宜陽城西與熊耳山齊水經注曰洛水之北有熊耳山雙峯競舉狀同熊耳在宜陽矣左傳成十六年范匄曰塞井夷竈陳於中軍而疏行首杜注云疏行首者

當陳前決開營壘爲戰道

增封五百戶進柱國大將軍司勳之策也建

德元年拜大司空二年遷少保姬朝三列少保爲前

炎正五官冬官爲北頻煩寵命是謂賢能

尙書曰少師少傅少保曰三孤韓詩外傳

曰三公者何曰司空司徒司馬漢書百官公卿表曰神農火師火名應劭曰火德也故爲炎帝春官爲大火夏官爲鶉火秋官爲西火冬官爲北火中官爲中火凡五官又百官表云冬官司空

三

年授使持節都督襄郢昌豐唐蔡六州諸軍事襄州

刺史江漢之間不驚雞犬樊襄之下更多冠蓋

周書武帝紀云保定

元年令荊州安州江陵等總管並隸襄州總管府隋志襄陽郡西魏曰襄州置總管府義陽郡後魏曰郢州又江夏梁置郢州時屬陳春陵郡西魏曰昌州豐疑作澧隋志澧陽郡是時屬陳疑廢置隋志漢東郡

唐城縣西魏曰唐州襄陽耆舊傳曰襄陽郡峴山南至宜城百餘里漢宣帝時有卿士刺史二千石數十家冠蓋承映荊州刺史雅歎其盛號曰冠蓋里按江漢二水名隋志襄陽郡安春縣後周廢樊城山都二

縣入焉知襄陽郡舊有樊城故云樊襄

既而三湘遼遠時遭鵬入五溪卑濕或見

鳶飛

言弘墓於州也漢書曰賈誼爲長沙傳三年有鵬飛入誼舍止於坐隅鵬似鵠不祥鳥也誼以適居長沙長沙卑濕誼自傷悼以爲壽不得長乃爲賦以自廣南史侯景傳云巴陵有地名三

湘寶字記曰湘潭湘鄉湘源爲三湘也後漢書馬援傳曰武威將軍劉尚擊武陵五溪蠻巨深入軍沒援因復請行時年六十二會暑威中病遂卒於彼水經注曰武陵有五溪謂雄溪橫溪酉溪瀘溪辰溪沅溪是蠻巨所居故謂五溪後漢書馬援曰吾仰視飛鸞點點墮水中臥念少游時語何可得也

舊疾增加薨於州鎮天子畫

凌煙之閣言念舊臣出平樂之宮實思賢傳

畫凌煙之閣未詳唐太宗貞觀

十七年以功臣圖形凌煙閣事在唐時今按此文知後周以前已有其事非始於唐也又按王子年拾遺記曰晉文公焚林以求介子推有白鵲繞煙而噪或集介子推之側火不能禁晉人嘉之爲立臺號曰思煙介子推爲晉國功臣凌煙之名起於此矣鮑照有凌煙樓銘西京賦薛綜注曰平樂館大作樂處也按平樂爲作樂之處實思賢傳者即樂記所謂聽鐘聲則思武臣聽磬聲則思死封疆之臣等語謂樂作而思有詔贈某官禮也

本傳云大象未位至柱國小司馬朝廷又追錄弘勳進恭肅觀國公恭弘世子也

卽以四年

四月二十五日歸葬於原州高平之鎮山屬國玄甲

輕車介士一依霍驃騎之禮衛將軍之葬

漢書曰霍去病薨上發屬國玄甲去病爲

驃騎將軍又曰張安世薨天子贈以輕車介士又曰衛青拜大將軍卒與平陽主合葬起冢象廬山

嗚呼盛哉公入仕四十五

年身經一百六戰通中陷刃疾甚曹參刮骨傳藥事

同

一作

關羽三輔故事曰楚漢相拒於京索間六年身被大創十二矢石通中過者有四蜀志曰關羽常爲流矢所中貫其左臂羽便伸臂令醫刮去其毒言笑自若

而

風神果勇儀表沉雄事親無隱無犯

禮記曰事親有隱而無犯

學不專

經略觀書籍兵無師古自得縱橫漢書霍去病傳曰上嘗欲教之孫吳兵法對曰顧方略何如耳不至學古

法青烏甲乙之占白馬星辰之變後漢書王景傳曰家宅禁忌注云送葬造宅之法若黃帝青烏之書白馬未詳

青烏為家宅之書此亦疑占星者有其書也九宮推步三門伏起後漢書張衡曰重之以卜筮雜之以九宮易乾鑿度曰太一取其數以行九宮

注詳齊王憲銘後漢書高彪箴曰天有大一五符三門注云三門者開門休門生門也天弧射法太乙營圖天弧弧矢星也天官書曰狼下有四

星曰弧直狼漢書藝文志有太一兵法一篇泰壹雜子星泰一雜子雲雨又齊一二十九卷並皆成誦在心若指諸掌言青烏已

下諸書皆成熱也虜青犢之兵甚有秘計燒烏巢之米本無遺策

後漢書郡國志曰河內野王有射犬聚世祖破青犢處又光武紀曰別號諸賊青犢等各領部曲又袁紹傳官渡之役云淳于瓊等時宿在烏巢去紹軍四十里操自將步騎五千人夜往攻破瓊等悉斬之曹瞞

傳曰既至圍屯大放火營中驚亂大破之盡焚其糧穀寶貨斬督將賈無等割得將軍淳于仲簡鼻殺士卒千餘人後漢書注云烏巢地名在滑州酸棗城東西零賊退屈

指可知南部兵迴插標而待西零謂西羌也南部謂陳也常願執金鼓而

問吳王橫琯戈而返齊地有志不就忠貞死焉問吳王者謂其欲問

罪於陳也返齊地者謂其有平齊之志也陳都江表故曰吳王高氏國號曰齊故云齊地弘有此二志不就而死也漢書吳王濞傳曰弓高侯顏當執金鼓見膠西王卬曰王苦軍事願問王發兵狀晉語曰秦穆

公侵晉惠公令韓簡挑戰穆公衡瑯戈出見使者世子恭等孝惟純深居喪過禮對其苦

庚子山集卷十四 碑 六 中華書局聚

寢則梓樹寒生聞其悲泣則巢禽夜下

喪服傳文及士喪禮記皆云居倚廬寢苦枕山歔粥

朝一溢米夕一溢米鄭康成曰苦編藥也左氏傳曰晏桓子卒晏嬰寢苦枕草史記伍子胥曰必樹吾墓上梓令可以爲器正義曰器謂棺也此云梓樹棺木也干寶搜神記曰鄭弘遷臨淮太守郡民徐憲在喪致哀有白鳩巢戶側弘舉孝廉朝廷稱爲白鳩郎

嗚呼哀哉乃爲銘曰

天齊水合日觀山連兵强東楚地遠西燕

史記封神書曰齊所以爲齊以天齊也天

齊淵水居臨菑南郊山下者索隱曰臨菑城南有天齊泉五泉並出有異於常言如天之腹臍也應劭漢官儀曰太山東南山頂名曰日觀者雞一鳴時見日始欲出長三丈許故以名焉言齊國强大桓公霸時田敬仲來奔也兵强東楚者史記曰桓公三十年伐楚次召陵桓公矜屈完以其衆屈完曰君以道則可若不則楚方城以爲城江漢以爲溝君安能進乎乃與屈完盟而去地遠西燕者史記曰桓公二十三年山戎伐燕桓公救燕遂伐山戎至於孤竹而還燕莊公送桓公入齊境桓公曰非天子諸侯相送不出境於是分溝割燕君所至與燕命燕君復修召公之政納貢於周是也陳厲公子完號敬仲奔齊國在桓公十四年是其時也

五卿咸正三王並賢靈龍更起燧象還燃

左傳莊二十二年曰

初懿氏卜妻敬仲占曰五世其昌並於正卿八世之後莫之與京及陳之初亡也陳桓子始大於齊其後亡也成子得政杜注曰桓子敬仲五世孫陳無字也世家成子曾孫大公和遷齊康公於海上和立爲齊侯和孫威王稱王四世而秦滅之云三王者除濬王無道爲淖齒所殺王建聽姦臣實客以亡其國弗稱威王宣王襄王此三王並賢也又按田儋兄弟三人俱爲王並賢史記曰儋弟榮榮弟橫高帝曰夫起自布衣兄弟三人更王豈不賢乎哉靈龍燧象即田單鐵籠火牛事史記曰樂毅破齊田單走安平令其宗人盡斷其車軸末而傳鐵籠已而燕人攻安平惟田單宗人以鐵籠故得脫單收即墨城中得千餘牛爲絳繒衣畫以五綵龍文東兵刃於其角灌脂束葦於尾燒其端鑿城數十穴夜縱牛壯士五千人隨其後牛尾熱怒而奔燕軍燕軍大驚視之皆龍文所觸盡死傷燕軍敗云燧象者按左傳定四年曰王使執燧

象以奔吳師杜預曰燒火燧繫象尾使赴吳師驚却之田單之術本於此矣

自天之德乃祖乃父維嶽降神

生申及甫

大雅詩嵩高云維嶽降神生甫及申鄭箋曰四嶽卿士之官掌四時者也在堯時姜姓爲之申甫齊許皆其苗裔

北門梁棟西

州雲雨勇讐燕城名題漢柱

北門謂齊之北門燕在齊北史記齊威王曰吾吏有黔夫者使守徐州則燕人祭北門斐翹曰

齊之北門燕人攻齊田單固守聊城卒以敗燕是爲梁棟也西州謂京兆也周禮職方氏正西曰雍州故云西州謂田鳳爲京兆人漢帝題柱之恩是遇雲雨也勇讐燕城接上北門句卽田單事史記曰田單敗

燕軍殺其將騎劫追亡逐北所過城邑皆畔燕而歸田單七十餘城皆復爲齊名題殿柱接上西州句卽田鳳事三輔決錄曰漢靈帝殿柱題堂堂乎張京兆田卽言弘祖父皆有功績如田單之復燕城田鳳之

題橫柱稱田氏之盛也

公始青衿風神世載猛獸不驚家禽能對

青衿以下言田

弘也鄭風子衿云青青子衿毛傳曰青衿青領也學子之所服晉書曰王戎年六七歲於宣武場觀猛獸檻中號呼震地衆皆奔走戎獨不動神色自若魏明帝於閣上見而奇之世說曰梁國楊氏子九歲甚聰

慧孔君平詣其父父不在乃呼兒出爲設果果有楊梅孔指以示兒曰此是君家果兒應聲答曰未聞孔雀是夫子家禽

劍學千門書觀六代

有竭忠貞無違敬愛

許氏說文許冲上書曰古文時有六書一曰古文二曰奇字三曰篆書四曰佐書五曰繆篆六曰鳥蟲書左傳荀息曰臣竭

其股肱之力加以忠貞

乃數軍實乃握兵符

集作

澆沙成壘聚石成圖

左傳臧僇伯曰以數軍實杜預曰以數車徒器械及所獲也後漢書曰舊制發兵皆以虎符其餘徵調竹使符曹瞞傳曰公軍每渡渭輒爲馬超騎所衝突營不得立地又多沙不可築壘婁子伯說公曰今寒可

起沙爲城以水灌之可一夜而成公從之乃多作縑囊以運水夜渡兵作城比明城立由是公軍盡得渡渭晉書曰初諸葛亮造八陣於魚復平沙上累石爲八行相去二丈桓溫見之曰此常山蛇勢也

風雲順逆營陣孤虛靈雨鉦鳴燿火飛狐

風后握奇經有風陳雲陳漢書藝文志有

風后孤虛二十卷後漢書方術傳曰須臾孤虛之術章懷太子注云孤虛者孤謂六甲之孤辰若甲子旬甲乙亥無干於是為孤也對孤為虛詩采芑云靈雨既零又云鉦人伐鼓說文曰鉦鏡也似鈴柄中上下通鼓人注云鐻鉦也形如小鐘是鐻亦名鉦也張宴曰燿火烽火也狀若井契

淮陰受策車

騎登壇公為上將有此同官

言弘授車騎大將軍轉驃騎大將軍也淮陰侯韓信也受策謂拜大將軍也後漢書曰寶憲拜

車騎將軍上將文昌中星名左氏傳曰同官為僚今授將軍是為上將軍騎等名為同官矣

下江燒楚上地吞韓推功王

案定策珠盤

下江燒楚謂弘為江陵總管退陳將吳明徹也後漢書郡國志曰南郡編縣有藍口聚下江兵所據注云今當陽城是也上地吞韓謂弘為仁壽城主以逼宜

陽宜陽韓地也史記韓襄王五年云秦拔我宜陽斬首六萬又曰王翦將上地楚漢春秋韓信曰漢王賜臣玉案之食注詳司馬裔銘周禮曰玉府若合諸侯則供珠盤玉敦注云珠盤以珠飾盤所以盛牛耳玉敦以玉為敦所以盛血盟會用之

天有三階公承其命國有六卿公從其政

謂弘為少保司空也藝文志曰泰階六符一卷李奇曰三台謂之泰階兩兩成體三台故六三階謂少保六卿謂大司空也

台曜偕輝槐庭重映

匡贊七德謨猷八柄腹滿精神心開明鏡

台曜即三台也天官書曰魁下六星兩兩

相比者各三能三能色齊君臣和不齊為乖戾蘇林曰能音台周官曰三槐三公位焉故云槐庭王儉褚淵碑文云贊道槐庭左氏傳曰武有七德周禮太宰職曰以八柄詔王馭羣臣一曰爵以馭其貴二曰祿以馭其富三曰予以馭其幸四曰置以馭其行五曰生以馭其福六曰奪以馭其貧七曰廢以馭其罪八曰誅以馭其過晉書溫嶠曰錢世儀精神滿腹世說曰何點嘗目陸慧曉心如明鏡遇形觸物無不朗然

伏波受脤樓船推轂東道未從南征不復謂督襄鄧諸州軍事不復返也伏波樓船

將軍名前書武帝元鼎五年遣伏波將軍路博德出桂陽下湟水後漢書曰馬援為伏波將軍漢書曰樓船將軍楊僕出豫章下湟水左氏傳曰燭之武見秦伯曰若舍鄭以為東道主行李之往來共其困乏又

僖四年傳曰昭王南征而不復寡人是問呂氏春秋曰周昭王親將征荆蠻辛餘靡長且多力為王右還反涉漢梁敗王及祭公隕於漢中辛餘靡振王北濟反振祭公高誘注引左傳云昭王之不復君其問諸

水濱依左傳則昭王已沒於漢呂氏復云振王且或飲丹有井澆泉無菊功存稱梁敗或說膠船其旨不同一遵左氏之為正也

柳林身在櫛木干寶搜神記曰臨汜縣有廖氏世老壽後徙居子孫輒殘折他人居其故宅復累世壽乃知是宅所為不知何故疑井水赤乃掘井左右得古人埋

丹砂數十斛丹汁入水是以飲水而得壽威弘之荊州記曰菊水在穰縣菊被涯水極甘香谷中皆飲此水上壽百二十七八十者猶以為天太尉胡廣患風疾休沐南歸恒飲此水後疾遂瘳年八十二薨也魏

文帝柳賦序曰昔建安五年上與袁紹戰於官渡時余從行始植斯柳按古人戰勝嘗種樹一枝以旌其功官渡之戰曹公破紹天下莫敵功之最大者也此云功存柳林以弘有宜陽戰功故引是事左傳莊四

年曰王遂行卒於櫛木之下杜預曰櫛木木名櫛郎蕩反又莫移茵返葬提樞山行崑反又武元反言無丹井菊泉可以延壽功成遂薨於行也

芻靈隴水哀挽長城說文曰茵車褥也禮記曰在牀曰尸在棺曰柩又曰塗車芻靈自古有之鄭注曰芻靈束茅為人馬也山如

北邙樹似東平松門石起碑字生金西京雜記曰何武葬北邙山薄龍坂王嘉冢東北一里皇覽曰

東平思王冢在無鹽人傳言王在國思歸京師後葬其冢上松柏皆西靡也謝靈運入彭蠡湖口詩曰攀崖照石境牽葉入松門注引張僧鑒地志曰石鏡山東有一圓石懸崖明淨照人見形顧野王輿地志曰

自入湖三百二十里窮於松門東西四十里青松徧於兩岸王隱晉書曰永嘉渺渺山河榮元年陳國項縣買達石碑中生金人盜鑿取賣已復生此江東中興之瑞也

螢胤子泣血徒步奔波千里言弘薨於州鎮子恭等奔喪千里也世說曰王濬沖為尚書令經黃公酒壚下過謂後車客曰

自稽生大阮公亡以來今日視此雖近邈若山河左氏傳曰哀十六年孔子卒公誄之曰熒熒余在疚詩曰哀此熒獨泣血言泣盡而繼之以血也孝水先枯悲雲

即起世數存沒哀榮終始酈元水經注曰孝水在河南城西十餘里潘岳西征賦曰澡孝水而濯纓嘉善名而在茲謝靈運詩曰風

悲黃雲起哀榮見論語

周柱國大將軍大都督同州刺史爾字或作余綿永

神道碑

公諱永字永賓東燕遼東石城縣零泉里人也本姓

段周書列傳云段永字永賓其先遼西石城人昔者昌意陵居初分若水之姓共叔

出奔始有京城之族序段氏之先也帝桑黃帝產青陽昌意山海經曰南海之木若水之間有木名曰若木若水出焉水經注曰黃帝長子昌意德

劣不足紹承大位降居若水為諸侯焉娶蜀山氏女生顓頊於若水之野有聖德二十登帝位承少皞金

官之政以水德寶曆矣國語曰黃帝以姬水成段氏之先出自鄭國姬姓左氏傳曰鄭武姜愛共叔段請

京始居之謂之京城大叔京叛大叔段大叔出奔共此段氏得姓之始也西河居士蕃魏而却秦北岳將軍威胡而奉晉其後居於北代則先封遼水備乎史籍